

Mätt'tös- da kulttuurministeria da Mätt'töshalltös káčča vie'ttjed sä'mmlai meersažpeei'v

Sä'mmlai meersažpeei'v vie'ttjet tä'lvvmannu 6. peei'v. Töt lij áá'n vól miálggád nuörr juhllpei'vv, gu Lää'dd ka'lndaa're pei'v lij pijjum ee'jjest 2004. Meersažpeei'vest lij kuuitág mie'rruum ju'n ee'jjest 1992 da juhllpei'v maddi má'nne pá'jjel čue'd ee'jj tuákka, ekka 1917. Tá'l Taarr Trondheei'mest já'rjste vuössmös tá'vvjânnamlaž sää'msâábbbar, koon juurd leäi smiöttâd sä'mmlai jie'llemvuei'ttemvuõđid da vá'ldded peä'l sä'mmlaid kuõskki kõõččmõõžžid. Sä'mmlai poliittlaž teâđstummuž keä'čče šõddâm tøn pooddâst. Meersažpeei'v lij õhtt sä'mmlai jiijjâs lipp-peei'vin, leša tøn láä'ssen Lää'ddjânnam, Ruõcc da Taarr ve'rğğnee'kk siâzttâ'lle almmjallaš liiptummuž.

Õi'dde valmštõõvvâm kulttuurä'rbb-baromee'tr puâđõõzz mušttele čiolggsânji, štõ jiijjâs kultturää'rb da -pirrõõzz lij haall kâ'dded. Tää'rkmõs kâ'ddem ä'sšen kõõččmõõžžid va'steei nõõmee luâđ, pirrõõzz, vue'jjid, ä'rbbvuõđid da kíõđi tuejjummuž di kíõl. Mätt'tös- da kulttuurministeria da Sää'mte'ğğ liâ sagstõõllâm koummekksaž ougglösõhttvuõđid äukken õõ'nni mätt'tõsooudeemtoimâst, koon veákka le'čči vuäittmõš pue'reed jeä'rben sä'mmlai dommvuu'd ougpeä'lnn aazzji päärnai vuei'ttemvuõđid vuäžžad tiuddeei sää'mkiõl mättõõzz.

– Oummu jiijjâs jie'nnkiõl lij tõt, koin pue'rmõsân pu'httep jiijjân õu'dde, tobddjeem, jurddjeem di kommunikâ'stjep jeärrsivui'm. Lij leämmaž pue'rr vuei'nned, mä'htt sää'mnuõr ä'nne äärvast kíõlâs da kulttuurää'rbes da haa'lee nââneed tøn juätkkjummuž, mätt'tõsminister **Sanni Grahn-Laasonen** ceäkk.

Mätt'tõshalltõõzz vuei'vvjää'dteei **Olli-Pekka Heinonen** peejj teâdd tõõzz, štõ sä'mmlai meersažpeei'v vie'ttjummuš škooulin teudd peä'lstes še vuâđdmätt'tõõzz mätt'tõsplan vuâđai linnjõõzzid, kooi mie'ldd škooul mättjeei õhttõssân pohtt vuõinnsa sää'mkulttuur miârktõõzz Lää'ddjânnmest. Tõt õõudad persooni da joouki kõskksaž fi'ttjummuž da ci'sttjummuž di kõskkneez oumminala jeállmõõžž. Škooulõhttõõzzâst älgg fi'ttjed, štõ vuõiggâdvuõtt jiijjâs kíõ'lle da kulttuure lij vuâđdvuõiggâdvuõtt.

– Sä'mmlai meersažpeei'v oudd pue'rr vuei'ttemvuõđ tobdtõõttâd sä'mmlaid Euroop o'dinakai algmeeran di sä'mmlai kultturtraditioid, Heinola tuâtt.

Sä'mmlai meersažpeei'v vie'ttjummušest vuäitt äukken äâ'nned aunnsid, koid Mätt'tõshalltõs lij puu't'tam õhtsažtuejast Sää'mti'ğğin. www.oktavuohta.com -seeidain käunn'je teâđ sä'mmlai pirr, sää'm kíõlin, sää'mkulttuurin di materiaal da tuejjneävv mätt'tõõzzâst äukken äânnmõ'sše.

Sä'mmlai meersažpeei'v vie'ttjummuž vuäitt čuâvvad še mediast. [Yle Sápmi](http://yle.fi) seu'rrai meersažpeei'v šõddmõõžžid õhtsažtuejast naabârjânnmi sää'm radio da tv-tuâimtõõzzivui'm, nu'tt radio- da tv-vuõltoõõzzin gu nee'ttest da sosiaal'laž mediast.

Mätt'tõshalltõs lij nõõmtam sä'mmlaid da sää'm kulttuur še vuei'vtee'mmen eurooplaž kulttuurä'rbb'e'jj 2018 vie'ttjummušest.

Lââssteâđ Mätt'tõshalltõõzzâst:

Mätt'tõsduumšek, juâkkaz šurr Leena Nissilä: leena.nissila@oph.fi

Mätt'tösduumšek Susanna Rajala: susanna.rajala@oph.fi
pâjjta'rksteei Maria Edel: maria.edel@oph.fi
mätt'tösduumšek Paula Mattila: paula.mattila@oph.fi

Lâassteâđaid Mätt'tös da kulttuurministeriast:

Spesiaalveä'kkteei Daniel Sazonov: daniel.sazonov@minedu.fi

Mätt'tösduumšek Anne Onnela: anne.onnela@minedu.fi